

Mandat supervizora za Brčko u oblasti obrazovanja, povratka i rekonstrukcije delegiran institucijama Distrikta

Supervizor za Brčko Susan R. Johnson je danas izdala naloge kojim je delegirala ovlaštenje supervizora u oblastima obrazovanja, povratka i rekonstrukcije u Brčko Distriktu BiH na Vladu i Skupštinu Distrikta, omogućavajući time da Skupština i Vlada koje budu izabrane na izborima u oktobru 2004.god. ostvaruju svoja ovlaštenja i preuzmu punu odgovornost u skladu sa Statutom, zakonima i propisima.

Ovlaštenja u oblastima obrazovanja, povratka i rekonstrukcije su data supervizoru za Brčko Konačnom odlukom od 5.3.1999.god. koju je donio Arbitražni tribunal za spor oko međuentitetske granice u oblasti Brčkog i Aneksom Konačne odluke od 18.8.1999.god.

Reforma obrazovnog sistema u Distriktu je izvršena u 2001.god. nakon stupanja na snagu Zakona o osnovnom i srednjem obrazovanju Brčko Distrikta nametnutog supervizorovim nalogom od 5.7.2001.god. Rezultat toga je objedinjeni multikulturalni obrazovni sistem sa usklađenim planom i programom koji od tada uspješno funkcioniše. Predstoji dalja implementacija Zakona o osnovnom i srednjem obrazovanju Brčko Distrikta uključujući stručno usavršavanje nastavnog osoblja i modernizaciju pedagoških metoda. Zakon o osnovnom i srednjem obrazovanju Brčko Distrikta je usklađen sa okvirnim Zakonom o osnovnom i srednjem obrazovanju BiH.

Zakon o povratu napuštene imovine Brčko Distrikta je usvojen jednoglasno 30.4.2001.god. Do kraja 2003.god. riješeno je svih 10.889 zahtjeva za povrat imovine. Proces rekonstrukcije je

još uvijek u toku za što će biti potrebna dalja značajna zalaganja i Skupštine i Vlade uz primjenjivanje pravednih, pravičnih, nepristrasnih i transparentnih pravila i kriterija za izbor korisnika za pomoć u rekonstrukciji. Neophodno je pronaći trajna rješenja za ona raseljena lica koja su još uvijek u alternativnom smještaju.

Supervizor za Brčko zadržava pravo da interveniše u oblastima obrazovanja, povratka i rekonstrukcije u slučaju da se prekrše opšti principi multietničnosti i demokratske uprave na kojima se zasniva Distrikt. Vlada i Skupština će imati obavezu da najmanje dva puta godišnje supervizoru dostavljaju iscrpan izvještaj o trenutnoj situaciji, dešavanjima i planovima.